

Transkription von Urkunde SAW 1494b

Ort, Datierung: Salzwedel, 1494-08-25

Signatur: Stadtarchiv Salzwedel, 155/52

Inhalt: Rat der Stadt Salzwedel: Rentenbeleg

Wy Otto vintzelberg diderick almgstede hans besendål herma(n) listen Role gladegow hans
werckmester Clawes mol/ler Clawes brewitz Jurgen sculte wilhelm wolter Jacob alem hans mu(n)ter
Diderick mechow herma(n) chuden hans / groteian werner schermer Cord wolema(n) vnd(e) Diderick
chuden Radma(n)ne to Soltwedel Beken-ne(n) apenbare mit / disem brefe tugende vor alsweme dat in
vnser Jegenwardicheit hans sirow vnse medeborger hefft vorkofft / recht vnd(e) redelick(e)n to
eynem(e) recht(e)n erffkope vorkofft ok in crafft dises brefes vp vnde an syner boden by / dem(e)
marckte vp dem(e) horni(n)ge¹ by ludeke kock belegen hans frobosen heyne frobosen sone vnd(e)
syne(n) recht(e)n / erue(n) vnde dem(e) hebb(er)e dises brefes mit synen effte syner erue(n) willen twe
marck pen(n)inge Jarliker rent(e)n / vnser Stad we-ring(e) vor vortich marck pen(n)inge der suluen
wering(e) de om(e) de genom(e)de hans froboszen / wol to dancke vornuget vnde betalet hefft dise twe
marck pen(n)inge jarliker rent(e)n wil vnd(e) scal hans / syrow vpg(e)nant vnde syner boden besitter(e)
den suluen hans frobosen vnd syne(n) medetobescreuen(en) alle / Jarlikes to vir tyden des jares alse to
sunte michaelis dage to winachten to pasken vnd(e) to sunte Joha(n)/nis dage middenso(m)mer to
ichlicker tyd achte scilling(e) pen(n)inge der erscreuen(en) weringe sunder vortoch vnde /
weddersprake entricht(e)n vnde betalen doch de(n)ne de genom(e)de hans syrow vnd(e) syner boden
besitter(e) den / wedderkop hijr a(n)ne tobehold(e)n alse wa(n)ner on dat wol beqweme isz de(n)
mogen vn(de) scollen sie den suluen / hans frobosen vnd(e) synen medetobescreuen(en) sodan(e)
vertich marck houetsu(m)men mit allen bedaged(e)n(en) nastel/ling(en) rent(e)n vul vn(de) al
entricht(e)n vnd(e) betalen alse de(n)ne scollen dem(e) suluen hans syrow vnd(e) syner boden /
besitter(e) sodan(e) twe marck pen(n)inge jarliker rent(e)n wedder losz qwidvn(de) frig vn(de) dise
breff machteloos syn To / orkunde hebb(e)n wy vnser oldenstad Inge(segel) witlik(e)n hang(e)n
het(e)n an disen breff na cristi vnser her(e)n gebord / virteinhundert jar dar na im(e) vir vnd(e)
negentigest(e)n jar(e) am(e) Mandage na Bartolomei ap(osto)li(s) /

¹ vgl. SWA 1495c